



UNIVERSITÄTS-
BIBLIOTHEK
PADERBORN

Universitätsbibliothek Paderborn

Consultationes Theologicæ Et Spirituales Christiani verè fidelis & verè devoti ...

... De Excellentissimæ Sanctissimæ Virginis Mariæ Matris Dei

Louis François <d'Argentan>

Augustæ Vindel. ; Dilingæ, 1726

VD18 80217915

Artic. I. Videtur, S. Joseph non esse creatum à Deo, nisi ut esset umbra
divinitatis.

urn:nbn:de:hbz:466:1-45581

psal. 17.

celestis, qui nunquam non suo se-
plius latebat deserto: Aliquis S.
Joseph id confirmet, cujus vita
tam parùm habet splendoris, ut
serè nullam Evangelium de ipso
faciat mentionem. Hæ umbræ
quibus Deus circumfudit illos, ut
eos absconderet velut se ipsum
in tabernaculo tenebrarum; *posuit
tenebras latibulum suum*, asserunt
ipsis tam magnum splendorem,
ut & cogitationes destituant ani-
mum, & verba linguam, ad ex-
tollendum illos condignis laudi-
bus.

Lubens audiebam ultima hæc
verba; incipiebam namque af-

fici tædio; non advertens pri-
mâ fronte, quò deducere nos
volebat cum umbris suis; sed hæc
ipsius dexteritas fuit, quâ dispo-
nere nos suaviter parabat ad au-
scultandam Consultationem, quam
animoolvebat, cujus ideæ &
cognitiones cum singulares essent,
requirebant parvam hanc animi
dispositionem, ad bene intelli-
gendum illas. Deduxit ergò ar-
gumentum ex umbris, ad de-
monstrandum nobis eximios splen-
dore circa excellentias Magni S.
Josephi. Et cum tota concio cir-
ca ipsam adunata esset, ita co-
pit profari ad ipsos.

ARGUMENTUM.

*Videtur, Sanctum Joseph non esse creatum à Deo,
nisi ut esset umbra divinitatis.*

ARTICULUS I.

Luc. 1. v.
35.

Domini mei; tanti vos om-
nes æstimastis umbras pi-
cturarum istarum, velu-
ti rem, quæ vobis maximè admi-
randa videbatur in omnibus hisce
operibus. Sed ecce longè excel-
lentius vobis prodigium: Est ali-
quis Sanctus, qui non esse vide-
tur, nisi umbra, quâ uti DEUS
voluit in exquisitissimo manuum
suarum opere. Quando lego
hæc verba in Evangelio: *Virtus
Altissimi obumbrabit tibi*; id est,
Altissimi virtus, erit tibi quedam
umbra; videntur ea mihi omni-

nò plena, grævda, & referta
laudibus Magni S. Josephi.

Angelus venit è cælo, & nun-
tiat MARIE, quòd futura sit Ma-
ter, quòd conceptura sit Filium,
paritura sit illum, quòdque ille,
qui nasciturus erat, futurus sit Fi-
lius DEL. Intelligit ipsa per hunc
Legatum, omnia ingentia Incar-
nationis mysteria: Sed quamvis è
lumine cæli omnem habuerit no-
titiam, interrogat tamen, quasi
tota admirabunda: *Quomodo fiet
istud!* Quâ ratione videam me
gravidam, quæ obstrieta sum vo-

to nunquam violandi, sed perpetuò conservandi Virginitatem meam? sit verum, quòd ille, qui nasciturus est ex me, sit verè Unigenitus Filius DEI, qui cum natus sit ex Patre absque Matre in aeternitate, nasci volet ex Matre absque Patre in tempore? quis intellectus vel Angelorum vel hominum supportare poterit fulgurantem prodigii hujus splendorem? *Quomodo fiet istud?* Itane sit verum, quòd hic infans, qui nascetur infirmus, sit DEUS aeternus ac omnipotens qui creavit universum hunc mundum, qui in infirmitate sua solus reparaturus est omnes mundi ruinas? itane sit verum, quòd ipse redempturus sit mundum sub aliam legem, quam ipsemet condet & dabit illi, ipsùmque obstringet ad recipiendum eam? quis Monarcha totius universi non hærebit attonitus viso hoc prodigio? *Quomodo fiet istud?* sed itane & verum sit, quòd cælum descensurum sit in terram, & terra consensura in cælum, quando DEUS cæli erit Homo terræ, & Homo terræ erit Deus cæli, quòdque Deus hic & Homo hic nonnisi una eademque futuri sint Persona? an ejusmodi portentum non concutiat pavore omnes creaturas? *Quomodo fiet istud?* Itane sit tandem verum, quòd lex divina, quam dedit Deus Moyfi, mutanda sit in legem alteram, postquam approbata &

confirmata fuerat à cælo per innumera miracula; quòdque tota gentilitas, quæ dominatur quasi in universo orbe, sit abolenda, & omnes à fanis suis ejiciendi dæmones? prò quantam rabiem accendent in inferno, quantam edent stragem dæmones in toto universo? *Quomodo fiet istud?*

Ecce procul dubio haud aspernanda tum pavoris, tum admirationis argumenta pro Virgine Sanctissima: Sed paucis verbis respondit ipse Angelus: *Virtus Altissimi obumbrabit tibi.* Verum est, omnia hæc prodigia esse tam stupenda, ut nullus intellectus supportando sit ipsorum magnitudinem, omnesque creature agerentur in stuporem, si comparerent in toto splendore suo: Sed non comparebunt, edquòd ingens quoddam velum expandendum sit super hæc omnia, quò obtegantur & subducantur cognitioni mundi: Deus ex operatione divinæ virtutis suæ adjiciat umbram vivis hisce & acerbis nimium coloribus, quibus nimius foret splendor pro infirmis oculis mortalium: *Virtus Altissimi obumbrabit tibi;* & hoc velum, quòd operiet omnia; hæc umbra quæ abscondit omnia, erit Joseph purissimus sponsus tuus.

Veram est, quòd Pater aeternus futurus sit solus Pater infantis, qui nascetur ex te; quòdque is alium Patrem non sit habiturus

Mm 2

in

Magnam admiracionis argumentum pro Sanctissima Virgine. dicitur illi, quòd futura sit Mater DEI & permanens Virgo.

Luc. xi

S. Joseph est velum, quòd operiet eorum mysterium incarnationis.

Quanta gloria Sancto Joseph, quòd pater

bra sit Al-
tissimi-

Matth. 13.

in terrâ nisi, Mariam solam, quæ erit & Pater & Mater ipseus, sed sub umbrâ, cum matrimonio sit juncta Sancto Joseph, id mundus non percipiet, crediturus, Infantem hunc non esse alium, quàm Filium Fabri qui & appellabitur *Fabri Filius*: ô inestimabilem gloriam magni S. Joseph! ipse est umbra Dei Patris, ipse representat ejus Personam, respectu Filij ipsius Unigeniti; unde & vult portari ab ipso pro se & sui loco Nomen Patris; siquidem liberè & absque ullâ reservatione S. Joseph Verbi Incarnati nuncupatur Pater in Evangelio, eoque sit umbra Patris, & nobis videatur, quod umbra aliud non sit, quàm Corpus ipsum, cujus est umbra; hæc namque assumit ipsius figuram, sequitur ipsius motus; tandemque fatendum est, umbram vel esse nihil, vel aliud non esse, quàm speciem quandam reproduci corporis, representantis se in umbrâ suâ: *Virtus Altissimi obumbrabit tibi*. Habes Sanctum Joseph, qui est umbra, quæ obvelabit magnam prodigium Dei. Hominis, quæque obstabit, ne constet id mundo.

Verum est, te Matrem fore, hocque non obstante, permanfuram Virginem. Si mundus sciret, te esse gravidam, idque non ex conjugæ tuo, sed ex alio, ita scandalizaretur ex eo, ut non solum omnem penes ipsum amitte-

res existimationem; sed insuper lapidibus fores obruenda juxta expressum legis mandatum à Moyse datum: Frustra enim & incassum diceretur, concepisse se ex operatione Spiritus Sancti, quia nemo id crederet unquam; imò maximum prodigium judicio mundi maximum foret flagitium, si exploratum haberet quid adum in te fuerit & impletum. Verum sub umbrâ, sub velo inquam matrimonij cum Sancto Joseph, nihil percipiet ipse videbit sceminam, quæ maritum habet, & cum marito filium, ex quo nil judicabit insolitum. *Et Virtus Altissimi obumbrabit tibi*. Ecce umbram, quæ operit omnia, quæque maxima abscondit prodigia cognitioni hominum. Deus bone! quanta dignitas Sancti Joseph! quanta ipsi est gloria, quod existat umbra illæsum conservans honorem & vitam Sanctissimæ Virginis, quin etiam honorem Unigeniti Filij Dei, quem absque ipso crederent illegitimum.

Verum est etiam, quod Infans JESUS Deus sit Omnipotens, qui in aternitate formavit omnia maximi ponderis consilia quæ excuturus descendit in terram. O si constaret, qualis is esset, quidve machinaturus olim! Judaisme, si nôsses, ipsum venire, ad abolendum tuâ sacrificia, ad imponendum finem tuis figuris, ad demolendum Synagogam, ad ædifi-

Honor & vita Sanctissimæ Virginis protegentur sub umbra magni S. Joseph.

Umbræ Sancti Joseph impedit Judæos, gentiles demones, et agantur in furorem proximi ruinæ suæ.

ædificandum Ecclesiam novam super rudera Ecclesie tue antiquæ: pro quanti te opprimerent angores? Gentilitas, si scires, venire ipsum, ut te destruat, ut silentium imponat cunctis oraculis inanium Deorum tuorum, illos eiciat ex ipsorum fanis, & omnia hæc sana tam magnifica & splendida, ubi divinos exhiberi sibi faciunt honores, adæquentur solo vel vertantur in Ecclesias: pro quanti te abriperet furor? Dæmones inferni, si sciretis, venire ipsum, ut vestris vos deprædetur spolijs, ut omnes eripiat homines è miserabili servitute, quæ implexi sunt per peccatum: quanta vos obrueret rabies? Si omnia vobis constarent mysteria Conceptionis & Nativitatis JESU è sinu Virginis Matris, metueretis omnia ipsius molimina, & commoveretis cælum & terram, ad subvertendum illa. Ipse venit absque strepitu, magna sua executurus consilia; ipse sub umbrâ Sancti Joseph, quem vos ipsius existimatis Patrem, abscondit illa, ita ut illorum nec minima vos moveat aut perturbet suspicio: Videbitis illa, quando illorum videbitis Executionem, antequam cognoveritis solum, hæc ab ipso fuisse suscepta: Et tunc cognoscetis stratagemata Omnipotentis hujus Reparatoris mundi, qui umbrâ fuerat usus obsequio, ad abscondendum vobis illa: *Virtus Altissimi obumbrabit tibi.*

Deus admovet omnes Sanctos ipsi, quæ sibi placuerint, ministerijs ac muneribus: aliquos ad instruendum populos suos, vel Doctores; nonnullos velut Pastores, ad gubernandum illos; alios ad replendum mundum bono exemplo cæterorum & sanctæ vitæ odore, velut Confessores; & omnes ad dilatandum ipsius gloriam, unumquemque pro modulo & instituto suo. Sed Joseph Sanctus est omninò singularis, qui prædestinatus videtur ad ministerium prorsus contrarium: ad abscondendum nimirum ipsius gloriam, quando tempus nondum fuerat manifestandi illam mundo: Et quia majus est prodigium videre gloriam Dei velut annihilatam & involutam tenebris, quàm videre illam resurgentem Majestate ipsi connaturali (sicut stupendum magis est videre solem in tenebris, quàm in lumine) videtur Omnipotentiam Dei se magis demonstrasse prodigiosam in solo Sancto Joseph, quo velut umbrâ & velo voluit uti ad abscondendum gloriam suam in Nativitate suâ temporali, quàm in cæteris omnibus simul Sanctis, quibus usus est ad manifestandum illam mundo. Sic jure meritissimo condecoratur insigni hoc elogio, quod virtus sit Altissimi: *Virtus altissimi obumbrabit tibi.* O Magne Sancte, quis cognoscere posset magna consilia, quibus æterna providentia occupatur cir-

ca re! Quis discernere posset specialem illum characterem, quo insigniris, totum diversum ab illo, quo ceteri insigniuntur Sancti! Intueor te magnâ cum veneratione velut augustas & magnificas illas tenebras, in quibus Majestas Dei se voluit abscondere, uti asserit nobis Scriptura: *Posuit tenebras latibulum suum.*

Mal. 17.

Omnes personarum divinarum, absconduntur sub umbrâ Sancti Joseph.

Imaginare tibi totam Oeconomiam vel dispositionem mysterij Incarnationis velut magnam quandam imaginem, in quâ depictos videas Deum Patrem, Filium ipsius Unigenitum, Spiritum Sanctum, & MARIAM Virginem, & omnes has quatuor personas resurgentes totidem eximijs splendoribus, quot operatae sunt prodigia in hoc mysterio. Sed pro eo, quod opus sit aliquam adiacere umbram omnibus figuris, in picturâ quâdam materiali, eoque sine hâc non sat splendoris haberent aut eminentiæ: hic ex opposito adiacienda est umbra, quæ temperet & moderetur ingentem splendorem omnium harum Personarum, ne obtunderent vel excæcerent oculos mortalium: Et solus S. Joseph tam amplæ est virtutis, ut sufficiat obvelandis illis omnibus. Deus Pater absconditur sub umbrâ Sancti Joseph, qui ipsius agit vires, quemque credunt homines verum esse Patrem Filij ipsius Unigeniti, respectu cujus & Patris nomen gerit. Audite quid dicat Ifo-

lanus: *Gessit enim personam Dei Patris, dum ejusdem Verbi incarnati prætabatur Pater.* Ihdorus Isolanus, p. 6, 6.

Filius Dei absconditur sub umbrâ Sancti Joseph: siquidem cum amplexans suis ipsum brachijs modò deduceret in Ægyptum, modò in Galilæam, modò in Templum Jerosolymitanum, modò ad loca alia, ipsique millenas, velut dilecto Filio suo, exhiberet blandicias; & Filius similiter amplexaretur ipsum tenerè, suavissimis; que velut amantissimum Patrem suum exciperet oculis: non credebatur esse alius, nisi Fabri Filius. *Nonne (inquiunt) hic est Fabri Filius? O amantissime Deus!* Matth. 17. v. 55. Quis comprehendere posset delicias, quibus disfluebat Cor Joseph ita portantis puerum JESUM in sinu suo mutuasque recipientis ab ipso blandicias. Nonne dici poterat de ipso, quod dicitur de Simeone Sacerdote magno: Senex ferebat Christum Infantem, Christus regebat ipsius senectutem: Senex erat fortitudo Infantis, & Infans erat sapientia Senis: Infantis Corpus sustentabat Senex, senis animam sustentabat Infans. O consolationem mirificam Sancti Joseph. Sed quæ erant reciprocae Infantis JESU deliciae, cum ita quiesceret in terris, sub umbrâ putativi Patris, qui in splendido requiescit sinu divini Patris sui in æternitate.

Ulterius Sanctus Spiritus absconditur sub umbrâ Sancti Joseph.

Spiritus Sanctus

scoditur sub umbrâ Sancti Joseph: Siquidem quidquid est factum in MARIA, est opus Spiritûs Sancti, ita dicente Evangelio: *Quod enim in eâ natum est, de Spiritu Sancto est.* Admirandum hoc opus Spiritûs Sancti, majoris est valoris, quàm centies millenorum creatio mundorum; & si homines cognoscerent illud, omnes hæterent attoniti, & præ stupore extra seipfos abrepti; sed nihil noverant de illo, edquod sub umbrâ, quæ Joseph est gravidæ & prægnantis hujus Matris Conjug, nihil ipsorum apparebit oculis ex omnibus hisce magnis prodigijs. Ecce igitur Sanctum Joseph, communem omnium trium divinatorum personatum umbram, Patris & Filij, & Spiritûs Sancti: *Es virgus Altissimi obumbrabit tibi.* O virtutem Altissimi! ô magnum Sanctum Joseph! Si tota adoranda Trinitas abscondere se voluit sub umbrâ tuâ: omnes Sancti in cælo & in terrâ milles tum beatos, tum honoratos se crederent, si & ibi abscondi & quiescere liceret illis.

S. Hieronymus in psalms, 7.

Tandem præcipuè Sanctissima Virgo absconditur sub umbrâ dilecti sponsi sui, Sancti Joseph. S. Hieronymus exponens illa verba Psalmi quinti: *Domine ut scuto bonæ voluntatis tuæ coronasti nos;* dicit, quod coram hominibus scutum non sit corona, & corona non sit scutum, sed coram Deo scu-

tum, quod inferitur brachio, & corona quæ imponitur capiti, sit omnino idem: *Quasi scutum protegit, quasi Deus coronat;* ita ut ipsius protectio, quæ nobis victoriam confert contra inimicos nostros, nobis sit corona certa, quam nostris imponat capitibus, ut triumphare nos faciat in æternum in regno gloriæ suæ.

Nonne inferere mihi liceat hæc verba in os Sanctissimæ Virginis, ut ipsa hæc dirigat ad Sanctum Joseph, dignissimum Sponsum suum? Domine, ut scuto bonæ voluntatis tuæ coronasti me. Domine (nam sic antiquitus uxores suos vocitabant maritos) Tu es protectio mea, tu es scutum brachij mei, tu es corona capitis mei. Haberem omnes homines contra me, qui me lapidarent velut adulteram, si exploratum haberent mysterium graviditatis & prægnationis meæ, sed tu es scutum meum, quia defendis me, meamque servas mihi vitam: Essem omni exspoliata honore, & turpem infamiam circumferrem ubivis notam, si scirent homines, infantem & Filium meum non esse fructum conjugij mei; sed tu es corona Capitis mei, meamque mihi conservas honorem. Filius meus Unigenitus, quem adorari oportet à cunctis tum Angelis, tum hominibus, despicabilis fieret omnibus, velut illegitimus, si nõssent, te non esse Patrem ipsius; sed sub umbrâ tuâ, quâ fruor, dum

Sanctissima Virgo.

verè

verè es sponsus & conjux meus, conservas honorem & Filij, & Matris; & ambo securi vivimus sub umbrâ protectionis tuæ: *Ut scuto bonæ voluntatis tuæ coronâsti nos.*

Isidorus
Iolanus 2.
p. c. 4.

O Deus! quàm sublimia fuere munera, quibus æterna providentia magnum Sanctum Joseph voluit honorare! audiendus est desuper Isidorus, qui aspiciete illa non potuit absque admiratione: *Videte, pensate, considerate, quantâ auctoritate apud Deum & Angelos Sanctos Joseph effulserit: Altissimi mysterij sententiam fuit inexpugnabile.* Attendite hic omnes Angeli in cælo, homines in terrâ; videte, cogitate, considerate, exclamat hic Pater totus abreptus ex hoc prodigio, & serîo ponderate, quantæ sit auctoritatis Sanctus Joseph. Deus illi soli in mandatis dedit, illi soli provinciam imposuit, ut esset protector, fidelis Conservator prudens Oeconomus magnus depositarius maximi arcani & mysterij, quod operatus est unquam extra seipsum, Incarnationis nimirum Verbi sui: Sed hujus gloria muneris non refulget nisi oculis Dei & Angelorum ipsius. Qui judicâset de eo juxta apparentiam exteriorem, dixisset, nullius vel parvi rem esse momenti: nihilominus omnia, quæcunque omnes homines simul ponderis maximi tractare possent negotia, nihil prorsus essent in comparationem cum illo adducta. Quis nostrum

Quàm sublimè fuerit munus S. Josephi.

est, qui non præferret unicum solum diem vitæ & muneris Sancti Joseph gubernationi omnium imperiorum totius mundi per cuncta omnino sæcula! O JESU! O MARIA! quantis honorum fastigijs, Sublimatis eos omnes, qui famulantur vobis. Quanto plus vobis exhibetur servitij in secreto, & in vitâ abjectâ & absconditâ, tantò magis accepta vobis sunt hæc servitia, proin fulgidiori honore & gloriâ à vobis coronanda? quàm paucos reperite est in mundo, qui comprehendere vel possint vel velint hanc veritatem!

Nos ex naturâ ita constituti sumus, ut inservire nulli velimus in morem umbræ; non ambimus nec amamus munera, etiam in exercitijs pietatis, nisi habeant quoque aliquid splendoris. Abyssus superbæ, quæ nobis naturalis est, tam est horrenda, tantæque profunditatis, ut etiam in actionibus humilitatis profundissimæ, conservemus occultum quoddam desiderium applausûs, laudis, existimationis, nunquam non ambientes anteferri cæteris. Quicumque veram sui ipsius habuerit cognitionem, observabit profectò hanc miseræ abyssum in fundo Cordis sui. Relinquo meditationi tuæ hanc veritatem accuratiùs ponderandam, & revertor ad sermonem de excellentijs,

S. Joseph.

* * *

ARGU.

Elegi abj-
ctus esse in
domo Dei
mei, magis
quàm habi-
tare in Te-
bornaculis
peccatorum.
P (al. 8).

Amamus
munera,
splendida
ex impulsu
superbæ.